



Fylkesmannen i Hordaland

Sakshandsamar, innvalstelefon
Jørgen Aarø, 55 57 20 46
Rune Johan Mikkelsen, 55 57 21 81

Vår dato
28.03.2014
Dykkar dato

Vår referanse
2014/3960 433.2
Dykkar referanse

Astrid Leikvoll
Gudridhaugen 14
5210 OS

Løyve til utsetting av utanlandske treslag til juletreproduksjon

Astrid Leikvoll får løyve til utsetting av 100 fjelledelgran og 100 nobeledelgran på gnr. 27 bnr. 5 i Os kommune i 2014. Det er knytt vilkår til løyet.

Vi viser til søknad journalført hos oss 21. mars 2014 om utsetting av utanlandske treslag til juletreproduksjon på gnr. 27 bnr. 5 i Os kommune. Søknaden er vurdert i samarbeid mellom Fylkesmannen si miljøvern- og klimaavdeling og landbruksavdelinga.

Saka er handsama etter forskrift av 25. mai 2012 nr. 460 om utsetting av utanlandske treslag til skogbruksføremål, med heimel i naturmangfaldlova. Dei miljørettslege prinsippa i naturmangfaldlova kapittel II ligg til grunn for sakshandsaminga.

Treslag og mengd

Det er søkt om å plante ut 100 fjelledelgran og 100 nobeledelgran i 2014. Trea er meint til bruk av familien. Fjelledelgran og nobelgran er ikkje svartelista treslag. Dei er plassert i risikokategorien *lav risiko* (LO)¹.

Utsettingsområdet

Trea skal plantast på tidlegare dyrka mark på gnr. 27 bnr. 5 på øya Skorpo i Os kommune. Utsettingsområdet er på om lag 3 daa. Bruket har ikkje hatt dyr sidan 1950 og området er no vakse til med lauvtre, hovudsakeleg bjørk og osp.

Det er ikkje registrert viktige eller sårbare naturtypar, raudlista artar (Naturbase og Artskart) eller MiS-figurar (Miljøregistreringer i skog) i eller nær området. Det er eit statlig sikra friluftsområde sørvest på Skorpo, men det ligg ein halv kilometer frå det planlagde utsettingsområdet.

Vurdering

I handsaminga av saka har vi nytta kunnskap om området frå Naturbase, Artskart og publikasjonen *Fremmede arter i Norge – med norsk svarteliste*, jf. kravet til

¹ Gederaas, L., Moen, T.L., Skjelseth, S. & Larsen, L.-K. (red.) 2012. *Fremmede arter i Norge – med norsk svarteliste 2012*. Artsdatabanken, Trondheim.

kunnskapsgrunnlaget i naturmangfaldlova § 8. Vår vurdering er at saka er godt opplyst og føre-var-prinsippet i naturmangfaldlova § 9 er ikkje relevant.

Det er ikkje registrert sjeldne eller trua naturtypar, trua artar eller MiS-figurar i området. Korkje fjelledelgran eller nobeledelgran er svartelista, og trea skal hoggast før dei set frø, noko som minimerer spreiingsfaren til området rundt. Tiltaket har lite omfang, til saman 200 tre på 3 daa. Tiltaket vil truleg ha liten negativ påverknad på naturmangfaldet, jf. naturmangfaldlova § 10 om økosystemtilnærming og samla belastning.

Etter naturmangfaldlova § 11 skal kostnadane ved å hindre eller avgrense skade på naturmangfaldet berast av tiltakshavar. Dersom brot på vilkåra i løyvet fører til skade på stadeige naturmangfald må tiltakshavar bere kostnadane for å rette opp i dette.

Val av driftsmetodar og teknikkar skal etter § 12 ta best mogleg omsyn til naturmiljøet, slik at resultatet gir dei beste samfunnsmessige resultata. Ut over dei føringar som følgjer av anna lovverk, som til dømes for bruk av sprøytemiddel, har vi ikkje spesielle merknadar til dette i denne saka.

Vedtak

Astrid Leikvoll får løyve til utsetting av 100 fjelledelgran og 100 nobeledelgran til juletreproduksjon på følgjande vilkår:

- Løyvet gjeld for det avteikna området i kartvedleggjet.
- Løyvet gjeld for 2014.
- Treå må hoggast før dei set frø.
- Rutinar for å sikre hogst før frøsetting må verte etablerte.
- Det må førast logg over produksjonen der tal på tre, treslag og årstal for planting kjem fram.
- Dette dokumentet må gjerast kjend og overført til ny grunneigar ved eventuelt eigarskifte.
- Dersom juletreproduksjon på eigedomen vert avvikla må trea hoggast.

NB!

Eit løyve gitt i medhald av forskrift om utsetting av utanlandske treslag til skogbruksføremål gir ikkje automatisk omdisponering til skogproduksjon. Ved spørsmål om omdisponering kan du kontakta kommunen.

Klagerett

Du kan klage på vedtaket innan tre veker, jf. forvaltningslova. Klaga skal stilast til Miljødirektoratet, men sendast til Fylkesmannen i Hordaland.

Med helsing

Olav Overvoll e.f.
seniorrådgjevar

Jørgen Aarø
rådgjevar

Brevet er godkjent elektronisk og har derfor ingen underskrift.

Kopi til

Os kommune
Miljødirektoratet
WWF
SABIMA

Postboks 84 5202 Os
Postboks 5672 Sluppen 7485 TRONDHEIM